


Headline
Date
Media Title
Section
Circulation
Readership

PASB Bimbing Usahawan Kambing
06. Jun 2008
Utusan Malaysia
Supplement
238082
833287

Language **MALAY**
Page No **11**
Article Size **867** cm2
Frequency **Daily**
Color **Full Color**



PASB bimbing usahawan kambing

Peta ke Banghurus Homestay di Sepang Selangor.



TERNAKAN kambing kini dipromosi secara hebat oleh Kementerian Pertanian dan Industri Asas Tani.

UTUSAN Malaysia dan sisipannya, Mega, sekali lagi berganding bahu dengan rakan strategiknya, Agro Bank dan Pusat Pengembangan, Keusahawanan dan Pemajuan Profesional (APEEC), Universiti Putra Malaysia

menganjurkan Bengkel Usahawan Kambing pada 14 dan 15 Jun ini. Bengkel yang diadakan di Homestay Banghurus, Sepang, Selangor itu, merupakan yang pertama diadakan melibatkan ketiga-tiga pihak bertujuan memberi pengetahuan mengenai aspek penternakan kambing yang kini semakin mendapat sambutan. Pada bengkel kali ini, rakan strategik baru iaitu Perfect Agro Sdn. Bhd. (PASB) akan turut sama membantu memberi bimbingan kepada peserta.

PASB memulakan projek pada Mac 2004 di Kampung Tebuk Permatang Raja Pantai Remis, Perak dengan 500 ekor kambing dalam kandang seluas 5,000 kaki persegi.

Selain itu, turut didirikan sebuah stor, rumah pekerja dan kilang memproses baja Bio Komp di situ.

PASB juga terkenal sebagai penternak kambing baka kacukan Boer, dengan 120 ekor induk dengan empat ekor pejantan diternak sebagai percubaan.

Dalam tempoh setahun operasi kandang seperti penjagaan, makanan, pembiakan, kelahiran, dan pemasaran berjaya dilaksanakan membolehkan 200 ekor dilahirkan.

Ladang integrasi kambing, lembu dan jagung manis di Baling, Kedah

Kejayaan di Pantai Remis telah



mendorong kepada pembukaan ladang integrasi di tanah sawah terbiar seluas 50 ekar di Baling, Kedah.

Secara integrasinya, hasil jualan jagung manis ini dapat menampung kos operasi penternakan. Batang jagung dijadikan makanan ternakan, manakala bahan buangan ternakan digunakan semula di ladang jagung. Penternakan kambing di sini lebih fokus kepada baka Boer iaitu bagi induk dan penjantan bagi menghasilkan anak kambing bermutu tinggi.

Ladang ini mampu memuatkan sehingga 2000 ekor lembu dan 500 ekor kambing.

Pusat jualan kambing Kajang, Selangor

Kandang yang mula beroperasi pada Januari 2006 ini bertujuan meneroka pasaran kambing di sekitar Lembah Klang dan merupakan kandang yang agresif dengan jualan 100 ekor sebulan.

Antara jenis kambing yang terdapat di sini ialah Feral, bebiri Merino, Katjang, Boer, dan pelbagai jenis kacukan.

Sasaran jualan ialah untuk tujuan akikah, kenduri dan penyajian makanan serta aktiviti keagamaan kaum India dan Cina.

Kandang transit

Lokasinya yang strategik dan kemudahan Mas Kargo KLIA digunakan setiap kali pengimporan kambing dari Australia.

Ini memudahkan urusan pengedaran dan transit kambing ke PASB.

Aktiviti pengimporan kambing

PASB mula mengimport kambing dari Australia pada Disember 2005. Pada Disember 2006, jumlah kambing dari Australia terutamanya Perth, Melbourne, Brisbane, Sydney mencapai 9,000 ekor dan menjadikan PASB pengimpor kambing baka Boer terbesar di Malaysia. manakala import dari Indonesia pula adalah dari jenis Jamnapari.

Kambing yang diimport oleh PASB:

- Boer kacukan dan tulen.
- Feral untuk korban dan akikah.
- Bebiri Merino untuk korban dan akikah.
- Kalahari.
- Saanen.
- Tonggenburg.
- Anglo Nubian.
- British Alpine.
- Jamnapari kacukan.
- Peranakan Ettawa.

Bengkel usahawan kambing

Maklumat Kursus

- **Tempat:** Banghurus Homestay, Sepang, Selangor.
- **Tarikh:** 14 hingga 15 Jun 2008 (Sabtu dan Ahad)
- **Anjuran Bersama:** Mega, Utusan Malaysia Perfect Agro Sdn Bhd, Agro Bank dan APEEC, UPM.

Maklumat lanjut urus setia Bengkel Usahawan Kambing MEGA-Utusan Malaysia:

- Bengkel Usahawan kambing MEGA-Utusan.
- Kompleks Sri Utusan, Lot 6, Jalan P/10, Kawasan Perusahaan Bangi Seksyen 10, 43650 Bandar Baru Bangi, Selangor.

Pembayaran bengkel secara tunai, perlu melalui urus setia program dengan menghubungi :

- Faris 012-3417112
- Rosli 012-2846811
- Sopian 017-8725716

NORDIN Mat antara tokoh penggerak PASB.

